

Milla zortzireun irutan ogei  
au da bostgarren urtian,  
dibersiyo bat jartzera nua  
gazte jendien artian;  
Azentziyoz zan erromeri bat  
ermita txiki batian,  
bi damatxo an ikusi ditut  
ezin pasarik atian.

Eleizan sartu ziradenian  
parrez neguen atzetik,  
dudarik gabe promes eginda  
juanak ziraden etxetik;  
majo on bana eskatzen zuten  
lendabiziko itzetik,  
Salbadoriak libra gaitzala  
neska zarraren gaitzetik!

Manifestatu ziyotenian  
zer nai zukien barrendik,  
Salbadoriak bere goguan:  
«Juan zaitezte emendik!».  
Desiuaren faltan ez dira,  
egiya esango det nik;  
iñork nai badu oien esposo  
ezkongai daude oraindik.

Eleiza ortako pasada eginda  
eseri ziran soruan,  
beren burubak errespetatzen  
aundimendiyen moduan;  
abanikurik zuten edo ez  
orain ez daukat goguan,  
zikiñ mantxarik etzan arkitzen  
oriyen belar onduan.

Zapatatxuak txabolezkuak,  
sedazko soiñak gorriyak,  
lasaitasunak galdu ez ditzan  
kortsiatubak gerriyak;  
diremantezko belarrikuak,  
begi engañagarriyak,  
buruban berriz pañolituak

frantzes moduan jarriyak.

Gorputz guziya seda ta zinta,  
gerriyen berriz kortsia,  
arritzen giñan damatxo oiek  
kotxe gabe etortzia;  
gustatzen zaigu aundimendiyen  
moda berriyak artzia,  
baiña oraindik gerta liteke  
beste modatan jartzia.

Ara nigatik esango dute:  
«Pikaro begi luzia!  
Gure orduko banidadiaz  
kokotzeraño asia!».  
«Aizazu, ez det gezurrik esan,  
ala beria pasia,  
pobriarentzat ez da komeni  
aberatsaren klasia».

Galaz beteta ikusi ditut  
erromeriyen bi dama,  
eleizarako erropa gabe  
etxian aita ta ama;  
zori gaiztuan sortu ziraden  
alajak eta kabana,  
banidadiak familiara  
errenta gutxi darama.

Birian topo egin nituben,  
esan niyoten «Ariyo!»,  
korresponditu zuten ez dakit,  
juan ziraden seriyo;  
bati beiñepein gorputz guztitik  
sedatu-zinta dariyo,  
oiek guztiyak kendu ezkerro  
koarto bat ez du baliyo.

Beste gauzarik ez det gallendu  
lupika ta pikardiya,  
banidadiak galdu biar du  
mundo onetan erdiya;  
bestiak beste, oiek daukate  
galani izugarriya:  
«Lenguen moda juan da eta,

ama, ekatzu berriya!».

Ama gaizuak au adituta  
nola artu pazientziya?  
nekerik asko berekin dauka  
alabak ezin jantziya;  
egun bateti bestera dator  
galaren diferentziya,  
modu orretan bajatuko da  
pobriaren ganantziya.

Begiyak beltxak, musu biribill,  
zuri-gorriya larrua,  
batek sudurra galanta zuben,  
ai zer oliyo-jarrua!  
berinajia zabaldu eta  
gañian jantzi arrua,  
oien bultuak baziruriyen  
galera edo karrua.

Neke trabaju penaz beterik  
alabak munduan azi,  
gurasuari esker gaiztua  
orra nik adierazi;  
beren burubak aundi-puntuan  
nai lituzkete ikusi,  
lenago maiztar bizitzen dana  
ez da jarriko nagusi.

Jantziya bere errespetuan  
artu dezagun egoki;  
orra nik esan nola biar dan,  
iñork ez baldin badaki,  
banidadiak engañatuta  
gero ez dediñ erruki:  
gorputzak ez du gala biarrik,  
anima garbi eduki.

Batek zintura biar duela,  
bestiak berriz kordoia,  
anbat etxetik salduko dute  
amoko edo txorroia;  
gorputzarentzat apainduriya  
animal dauka erdoia,  
garizumaren printzipiyotik



Erreterriako Udala – Herria Ezagutzen

au da galaren sermoia.

Astiasuko daboliña naiz,  
gañera ezkon berriya,  
oraiñ itxutzen ari naizena,  
lenago nitzan argiya;  
damatxo biren pasadizua  
libruan daukat jarriya,  
amasei bertso txanpon batian,  
moldezko letra garbiya.